
ФАРҒОНАЛИКЛАРНИНГ “БАРКАМОЛ АВЛОД-2017” СПОРТ МУСОБАҚАЛАРИДАГИ НАТИЖАЛАРИ

24-28 май кунлари Жиззах шаҳрида “Баркамол авлод-2017” спорт мусобақаларининг Республика финал босқичи бўлиб ўтди. Унда вилоятимиздан 15 та спорт тури бўйича жами 75 нафар (24 нафари қизлар) ўқувчи-спортчилар қатнашди.

Мусобақалар якунига кўра спортнинг теннис тури бўйича Фарғона саноат касб-хунар коллежи 2-босқич ўқувчиси Азизхон Турғунов, бокс бўйича Фарғона олимпия заҳиралари коллежи ўқувчиси икки карра Осиё чемпиони Билолбек Мирзараҳимов, таэквандо ВТФ бўйича Фарғона педагогика коллежи ўқувчиси Нафисахон Қамчибекова, енгил атлетика бўйича Марғилон иқтисодиёт коллежи ўқувчиси Темурбек Мусаев, Тошлоқ транспорт ва қурилиш касб-хунар коллежи ўқувчиси Давлатбек Ҳалилов, Данғара қишлоқ хўжалик касб-хунар коллежи ўқувчиси Сардор Турғунов, шахмат бўйича Ўзбекистон маиший хизмат касб-хунар коллежи ўқувчиси, халқаро гростмейсер, тўрт карра Осиё чемпиони Гулруҳбегим Тоҳиржонова олтин медални қўлга киритдилар.

Вилоятимизнинг етти нафар спортчиси – таэквандо ВТФ тури бўйича Фарғона олимпия заҳиралари коллежи ўқувчиси Дилёра Баҳриддинова, теннис бўйича Фарғона саноат касб-хунар коллежи ўқувчиси Шаҳноза Ҳатамова, бадий гимнастика тури бўйича Фарғона олимпия заҳиралари коллежи ўқувчиси Дурдона Олимжонова, 400 метрга эстафетали югуриш бўйича Фарғона олимпия заҳиралари коллежи 3-босқич ўқувчиси Умиджон Мамасодиқов, Марғилон иқсодиёт коллежи ўқувчиси Темурбек Мусаев, Тошлоқ транспорт ва қурилиш касб-хунар коллежи ўқувчиси Давлатбек Ҳалилов, Данғара қишлоқ хўжалик касб-хунар коллежи ўқувчиси Сардор Турғуновлар “Баркамол авлод-2017” спорт мусобақаларининг кумуш медали соҳиби бўлдилар.

Мусобақанинг бронза медали ҳам етти нафар спортчиларимиз – Бувайда автомобил йўллари касб-хунар коллежи ўқувчиси Мангуберди Абдурасуловга спортнинг бокс тури бўйича, Марғилон педагогика коллежи ўқувчиси Ўғилой Абдулазизова, Данғара агросаноат касб хунар коллежи ўқувчилари Умида Турғунбоева, Динара Очилова, Саноат Номонжоноваларга енгил атлетика тури бўйича, Фарғона олимпия заҳиралари коллежи ўқувчиси Феруза Расуловага сузиш тури бўйича, Ўзбекистон қишлоқ хўжалик касб-хунар коллежи ўқувчиси Умиджон Салимовга таэквандо ВТФ бўйича насиб этди.

Якунда 21 медални қўлга киритиб, теннис бўйича биринчи, футбол ва волейбол бўйича иккинчи, таэквандо ВТФ тури бўйича учинчи ўринни эгаллаган вилоятимиз спортчилари “Баркамол авлод-2017” спорт мусобақаларининг Республика финал босқичида умумжамоа ҳисобида саккизинчи ўрин билан кифояланишди.

2017-06-05 15:31:22